

17012

黃石齋書張天如墓誌墨寶



石

齋



三
樂
風

先
光

書

生

如

張

慕

天

誌

銘


何紹基

題

書



明翰林院庶吉士西銘張公墓誌銘



國家詞林之重二百陸十年矣承明起草率發

取東觀自非是者比於雌雉桑穀正嘉之際

間一少變未失大常至崇禎而後撥守它寄

其大旨患失而惑謂三代以上無書好讀書者
非愚必迂嗚呼誠愚迂則捨書而可六蔽之說
何稱焉宗禎辛未庶常之選有張由銘先生
諱溥字天如天如之名滿天下忌其名者至藉以

入告嗚呼士大夫不讀書又罪天下之讀書者

不脩名又以名為厲於天下將使渾沌為柎釋老

祝之凱章邢而凶歐蘇則傳巖學古之為胥

靡有以也予性頑且鄙寡所見書即數見不

復記憶然且以直言賈罪九折幾死天如既口
沈默不喜持論予謂是一先生終當以文據於
鼎耳而亦且還受疑謗嗟如以死嗚呼天之將
喪斯文也恒落雨隕春穉所嗟蓋自公之物

又三年而上帝板蕩陵谷翻變極晉宋之既荒
於黼宸而世之詛呪學古者猶謂是讀書脩名
之誤嗚呼使讀書脩名者罕用於世亦豈遂至
此即遂至此齋先王之道與龍血共碧未有不古

也而快意橫決者猶未滿其胸臆安昇歎天下以
供橫決者之驟憤驟樂以滿其胸臆為嗚呼公
歿既踰年而

天子乃知公命所在學臣取公所著書陸續進覽

凡所進覽者三千餘卷又踰年而尔 併入

國家顛覆嗚呼學古有獲者之不祥壹至於此
則其屈折以入詛呪者之胸臆空也公生於萬曆

壬寅三月廿三日卒於崇禎辛巳五月初八日享年四

十方壬申歲公在館選甫一載予以宮允削籍歸
公投予二詩即請假去凡相別九載予受逮下詔
獄公益恹恹出從宜興歸遂鬱病數日不起故
公之還而死則亦維予之故也公少與張采受先

交晨夕講藝諸經史皆手錄七遍謂之七錄齋

受先既先成進士公益自奮以廉隅文章砥礪天

下其擯不與者疾之若仇公益溫克壽降而卒無
以調拔忮之心黨既散時奸人日談復社株連及

受先受先為上疏曰復社者江南講習之社徒有
其名不盡關婁東謂復社是臣事則臣任臨川出
處不同謂復社非臣事則生同砥礪死避羅繳
負義圖全臣不出此且以張溥日夜解經論史

矢心報稱曾未一日服官懷忠入地嚴綸之下不得
泣血自明亦足哀也

上覽之惻然乃用劉御史熙祚姜給事採言徵
公遺書事為白公所著有七錄齋二集史論二編

論略春秋三書十三經註疏合纂歷代文典文乘

所刪正標置行世者不可勝舉曾祖鯨祖仲皆以伯
子輔之官贈資政大夫工部尚書公父翼之未贈官
有子十人公次居八世為蘇之太倉人嗣子永錫字

式似以崇禎十五年塋於婁江之西館南岬又三年

受先乃命予為之銘銘曰哲人所託亦各有在峙

為義山渟為理海渟峙既翻軋坤顛沛念我
哲人喟然發慨西無華峨東無泰岱人無天如

精華晝晦澆明河酒瀉北斗酌嗚呼千穉視
此函蓋

弘光元年龍飛春三月朔日

賜進士出身光祿大夫太子太保協理詹事府

事禮部尚書兼翰林院學士前吏部左右

侍郎正詹事兼翰林院侍讀學士充

經筵日講官纂脩

寶錄玉牒通家侍生漳海黃道周頓首撰識



復社流光照汗青
 七千弟子奉
 高銘文章報國忠
 遺恨金石盟
 夏重典刑
 永抱寸丹
 瞻北闕
 那堪萬目向
 新亭
 石言忠
 節
 文山



匡字宙長留寶墨馨

安期生周永年



右黃忠端公自書所撰張天如墓志銘長卷精楷無一筆苟簡以
公集較之字句小有異同其無關宏旨者不悉具如以滿其胸臆
為為字集作哉陸續進覽凡所進覽者集作一時進覽者五字以
崇禎十五年葬於婁江之西館南岸十五集作壬午無之西館三
字精華畫晦畫字集作畫凡此似皆以集為是若篇首其大旨
在於患失而惑係九字為句今集以患失斷句惑作或連下謂字
讀則詞氣轉遜又如生於萬曆壬寅三月廿三日卒於崇禎辛巳五

月初八日集無廿三日初八日六字誌墓宜核月日自以有者為是
又投予二詩投字集作報似誤又晨夕講藝集作日夕講習一
堂之上似更詞費又公益溫克善降而卒無以調忮忒之心降
字集作下無卒以調三字按卷中本作下字壓改作降此自係
後定之字忮忒指奸人若去卒以調三字則語意全失又嗣子
永錫字式似集無下三字亦似應補而銘詞之末澆明河酒瀉
北斗酹嗚乎千秋視此函蓋十六字今集無之上文精華盡晦
語意未歇不能吐然而止此則不應徑刪者也竊攷黃公官翰
林負重望後進多從問業為羣小所側目時朝廷亦漸薄翰林
薛國觀楊嗣昌等皆不從詞臣入綸閣祖法蕩然故此文有揆
守他寄之歎獨張天如以一庶常與公深相結納至目之為黨
人而不避嘗聞公削籍即請假歸聞公逮詔獄即欲叫閤
請以死明其無他既聞葉廷秀涂仲為公建言皆被逮知
諫不可入竟憂憤成疾以死夏彝仲先生言天如臨終長歎

其母曰兒有何恨連呼曰可惜黃石齋至死而目不瞑此文所云天如之退而死則亦惟余之故蓋信而有徵矣至所云出從宜興歸遂鬱病者方公削籍時周延儒為政後亦內愧公被逮時值召周將復入相天如遂走宜興德惠周曰救石齋是為朝廷存一直臣非救石齋也今國家事莫有重於此者願公任之因是延儒頗參用公議為公地得復官而天如不及見矣篇末言烈皇用劉熙祚姜塚言徵天如遺書後劉死於賊姜以廷杖謫戍死二人在思陵時最號敢言故天如之事得藉以白陳臥子先生謂天如死存遺腹故余詩云若從此日論天道定有傳經鄭小同乃生一女海內傷之此所云嗣子永錫者後亦無可攷云此卷得自吳門舊家篇中所叙多史傳所未載文既沈鬱字復精嚴允稱墨寶余在吳中曾為人題公楷書文肅墓銘長卷與此卷相仿蓋當時皆以墨本鈎勒上石留此原紙今搨本轉不可得而原紙完好如新文肅與天如皆前明偉

人得公之文與字可稱三絕宜其精光浩氣長留天壤終不隨
劫火同銷也夫 按獲此卷在道光己丑之秋後數月即具此跋
稿而因循未寫忽者十有六年今此卷已付恭兒檢舊稿求書
卷後因漫應之目昏腕弱粗具字模而已甲辰重陽退菴居士
識於北東園之池上艸堂時年政七十



周延儒之對懷宗以天如与石齋先生並稱
謂兩人為入皆偏止因善讀書人多惜之天
如之讀書豈能与先生等論耶 蓋當日名
亦重矣明末諸君濫得嘉譽者甚多即先
生疏陳七不如者其人固不皆賢士天如得与
石齋並稱尚未為偽冒也且天如於先生為
後進而有生死金石之誼又年未足以副所
學宜其報以銘幽推重隆至耳 書意於

古勁中復有錯落之妙信為先生傑蹟
 敬林太守盍再覲貞石永之道州何紹基敬
 觀於杭州淨慈寺之西隱精舍因記



版所嚴翻
 權司禁印

黃石公書張天如差誌

字價大洋四角

發行所

上海四馬路有正書局
 北京廠西門有正書局

